



**Nunavut Maligaliurvia  
Legislative Assembly of Nunavut  
Assemblée législative du Nunavut**

***TUHAKTAGHAK***

---

**Hivlurhikpanguyuq Maligaliuqtiituinauvlutik Katimahimangmata  
Takkunaktuq hapkua Ikkayuqatigiiktut Iluingaaktunik Havarhakaliktut  
Hivuliutiyurhanik**

**IKALUKTUTIAK, Nunavut (Disaipa 13, 2021)** – Ukkua Maligaliurvik Nunavumi Tamatkiumayut Illuingaktut Maligaliuqtiituinauvlutik Katimahimangmata atkunautiqagut innirhimaligamik ihuarhaitjutikhamingnik parnaiyautikhanik Katimahimagamik tatvanganin Disaipa 10, 2021.

“Uvagut Maligaliuqtiituinauvlutik Illuingarhuta Katimahimayugut tatva aullarutihimayut hivulikpanguyumik atturhimavlutik avatingut ukkua Maligaliuktut tatvani Maligaliurvikmit tatvalu hapkua hivuliktiuyut tatvani Nunavut Tunngavik Timinganiit tatvalu hapkua tamaita Avikturhimayuni Inuit Katuyikatigit,” ukkalaktut Hivuliktiuyuq P.J. Akeegok. “Uvagut tunnirhimayugut nutanik tatvalu unnaguirhimaliiktutut ikkayuqatigingniagapta pitiaqatigikluta tatvalu tunnirhimaqatigiikhuta ikkayuqatigiiklutalu havagiyumaniaktaptingnik ikkayutirhanik hamna ihumagiluarhutigu iglulikitliurnik.”

Maligaliuktituinait Katimahimangmata naunaiyaihimayut talimanik illuingarhugit hivuliutiyurhanik havagiyauyurhanik illaliutiyurhanik tatvunga nutanik kavamakaliktitluta havagiyumaniaktaitnik ukautiqatitlugit:

- Ihuarhainahuaknik Anguyumik Inniknirhat Munaritjutikhaitnik Parnaiyautikhanik;
- Ihivgiuffaklugit hamna Ilihaknikut Havagiyauyuq;
- Ayungnaiqpalirahuaklugit Anniaktailitjutirhat, Ihumamikut Anniaktut tatvalu Immiknikut Higaakluknikutlu Ayurhaktut Ikkayuqvirhaitnik
- Angiklivalianahuaklugu hamna Igluliqiniqut Havagiyauyuq tatvalu
- Hiamakpalianahuaklugu hamna Pivalialikinikut Maniliuqutirhaq.

Hamna havariyauyurhanik ukkautauyuq hatkitauniaktuq tatvani Maligaliurvikmi Hivuliktimit Akeegok tatvani Masimi una Kamiksina Angmaktiriluni Ukkautiqatitlugu hatkitauniakmat tatvani angmaktikutani Tuglianik Katimanihanik ukkua 6<sup>th</sup> Maligaliurvikmi.

Tatvani attulihaktitlugu Januali 2022-mi, ukkua Ministat Katimayit katimaniaktut huli ukkautiqaqlutik naunaitiarhimayunik allatkinik uktutirhanik pitjutaayunik hapkuninga naunaiyatiarhimayunik tahamanga katimatjtauhimayuniit. Hamna inirhimaituq tuhaktitiniaktait hapkua Tamatkiumayut Illuingaktut Maligaliuktituinait katimangmikpata tatvalu ukkua Nunavut Tunngavik Timingat aturlihalikat Fapyuali hamna inniktautinagu ihuaghautirha.

Una Ihivautalik Maligaliuktituinakni Katimayitnik tatvalu Aivilikmi Maligaliukti Solomon Malliki uqqalaqtuq, “Maligaliuktiuqatitka uvangalu niriugiyaqaqtugut hatqirhiyumavluta haffumnga nuttamik Kavamatkut havariyakhaita ukkautirhaitnik, hamna hivunirhitjtauuniaktuq hapkuninga ihurhautikhanik hapkuninga ihumagiyaqtinik haffuma Nunavummiutqativut piyumayaitnik pitjutigilugit hapkua manilikitjutit tatvalu maligalikinikut aulatjutaitnik.”

Maligaliuktiit huli naunaiyaihimangmiyut tatva hamna niguaknikut tittikniliurhimayaita katimayit aullarutiniaktuq tatvani 2022-mi, hatqitauhimangmat tatvani *Nunavut Niruaqtulikinikut Maligak*. Uqqaqtuyuq Tony Akoak uqqalaqtuq, “Una Maligaliurvik tuhaktitainiaktuq kitunut tuhaktitjutirhaitnik uktuqulugit uktutirhanik katimayiqatauyumagumik tatvani Katimayitni.”

Tahamaniitlutik Ikaluktutiami nunaliitni, ukkua Maligaliuktiit tungahuktititauhimayut umanga Tugliata Hivuliktiuyup tatvalu Ikaluktutiami Maligaliuktiuyumit Pamela Hakongak Gross. Maligaliuktiuyut pikatauhimayut kaffinik huliluqaqtinik pikatauvlutik, illaliutivlugit hapkua angmarhinik uttamik Nunavumi Iihagiakpalikvikmi nuttamik Kitikmeot Iihagiakpalikvirhaitnik, angmaktiginik ukkua Arnaat Qimaviatnik, tatvalu uplariaqhimayut tatvunga Ikaluktutiami Munariyaayunik Inniknirhait Naluraitnun tatvalu tatvunga Kanatamiut Quttingnikpami Ukkiuktaktumi Naunaiyaiyuyut Havakviatnun.

Una Hivulikpaak Katimaniat ukkua 6<sup>th</sup> Maligaliurvik angmaffakniaktuq Fapyuali 21, 2022-mi.

-30-

Ruhaakpalirumaniguffi titiraqvinagialik una:

John Quirke  
Tiitiraqti Maligaliurvikmi  
Qaritauyakut tiitiraqvia: [LegInfo@assembly.nu.ca](mailto:LegInfo@assembly.nu.ca)

Sima Sahar Zerehi  
Pivalialikinikut Tiitiraqti, Havakviatni uma Hivuliktiuyup  
Qarutauyakut tiitiraqvia: [szerehi6@gov.nu.ca](mailto:szerehi6@gov.nu.ca)